

Bosna i Hercegovina
Federacija Bosne i Hercegovine
Tuzlanski kanton
OPĆINSKI SUD U TUZLI
Broj: 32 0 St 401965 21 St
Tuzla, 28.04.2022. godine

Općinski sud u Tuzli, sudija Ilvana Delić, kao stečajni sudija, u stečajnom postupku nad imovinom dužnika „**BANOVIĆI-TRANS**“ d.o.o. Banovići u stečaju, za transport, trgovinu i ugostiteljstvo, ul. 29. novembra bb, dana 28.04.2022. godine, d o n o s i

R J E Š E N J E

ZAKLJUČUJE SE stečajni postupak nad imovinom dužnika „**BANOVIĆI-TRANS**“ d.o.o. Banovići u stečaju, za transport, trgovinu i ugostiteljstvo, ul. 29. novembra bb, matični registarski broj subjekta; 1-7031, zbog nedostatka stečajne mase za pokriće troškova stečajnog postupka.

Rješenje o zaključenju stečajnog postupka bit će objavljen u Službenim novinama Federacije BiH, Oglasnoj ploči suda, web stranici suda-elektronskoj tabli suda te dostavlja FIA-i.

Obavještavaju se stečajni dužnik, stečajni upravnik i povjerioci da će rješenje o zaključenju početi proizvoditi pravne posljedice protekom roka od 8 dana od dana objavljivanja u Službenim novinama F BiH.

Po pravosnažnosti ovog rješenja isto će se dostaviti Općinskom sudu u Tuzli, Odjeljenju registra, radi brisanja stečajnog dužnika iz sudskog registra.

O b r a z l o ž e n j e

„**BANOVIĆI-TRANS**“ d.o.o. Banovići u stečaju, za transport, trgovinu i ugostiteljstvo, ul. 29. novembra bb, dana 02.06.2021. godine podnio je prijedlog za otvaranje stečajnog postupka nad ovim privrednim društvom iz razloga platežne nesposobnosti, temeljem odredbe člana 6. Zakona o stečaju („Sl. novine F BiH“ br.29/03., 32/04., 42/06 i 52/18).

Rješenjem suda od 23.09.2022. godine otvoren je stečajni postupak nad imovinom dužnika „**BANOVIĆI-TRANS**“ d.o.o. Banovići u stečaju, za transport, trgovinu i ugostiteljstvo, ul. 29. novembra bb, a za stečajnog upravnika imenovan je Almir Bajrić iz Tuzle.

Na izvještajnom ročištu održanom dana 05.01.2022. godine stečajni upravnik je obrazložio izvještaj o ekonomskom stanju dužnika te je utvrđeno da su ukupno priznate obaveze stečajnog dužnika u iznosu od 274.025,87 KM od čega je iznos od 71.817,35 KM razvrstan u viši isplatni red, iznos od 202.208,52 KM razvrstan u opći isplatni red, te iznos od 2.496,00 KM u niži isplatni red. Osporenih potraživanja nije bilo. Potraživanja općeg isplatnog reda kao i višeg isplatnog reda odnose se na povjerioce Porezna uprava F BiH KPU Tuzla, Porezna uprava F BiH KPU Tuzla Ispostava Banovići, Uprava za indirektno oporezivanje BH RC Tuzla i Scania Credit AB iz Švedske. Scania Credit AB iz Švedske dostavila je sudu prijavu izlučnog zahtjeva za pokretne stvari sa prijavom potraživanja općeg isplatnog reda na iznos glavnog potraživanja od 158.267,26 KM te na ime troškova iznos od 2.496,00 KM što ukupno iznosi 160.763,26 KM. Shodno odredbama zakona o stečaju član 96. stav 10. do 13. stečajni upravnik odbio je zahtjev za izlučenje obzirom da na dan otvaranja stečajnog postupka kao i u prethodnom postupku nije zatečena pokretna i nepokretna imovina društva kao ni imovina koja je predmet izlučnog zahtjeva, te je shodno odredbama člana 174. Zakona o stečaju razmotrio prijavu u pogledu novčanog potraživanja i priznao je u ukupnom iznosu.

Na izvještajnom ročištu održanog dana 05.01.2022. godine stečajni upravitelj je iznio izvještaj o ekonomskom stanju stečajnog dužnika kao i mišljenje da ne postoje izgledi da se poslovanje stečajnog dužnika nastavi kao ni izgledi za reorganizaciju društva. Stečajni upravitelj je utvrdio nelikvidnost i nesolventnost stečajnog dužnika jer nema redovnih prihoda a transakcijski računi su blokirani. Stečajni upravitelj predložio je da se postupi u skladu sa odredbama 196. Zakona o stečaju i postupak zaključi zbog nedostatka stečajne mase iz razloga jer društvo nema imovine iz čije bi se prodaje mogli namirivati povjerioci. Na istom ročištu skupština je usvojila izvještaj stečajnog upravitelja sa svim prijedlozima za zaključenje stečajnog postupka zbog nedostatka stečajne mase.

Predujam za vođenje prethodnog postupka koji je uplatio dužnik iznosio je 1.500,00 KM. Nakon otvaranja stečajnog postupka na računima i blagajni društva zatečen je ukupan iznos od 2.768,88 KM. Sva navedena sredstva korištena su za troškove kako prethodnog tako i stečajnog postupka.

Provodeći aktivnosti a u svrhu zaključenja stečajnog postupka sud je temeljem odredbe čl. 102. točka 7. u vezi sa članom 196. Zakona o stečaju dana 14.01.2022. godine donio rješenje kojim se pozivaju stečajni dužnik, povjerioci i sva zainteresovana lica da u roku od 30 dana od dana objave rješenja u Sl. novinama F BiH uplati predujam u iznosu od 5.000,00 KM za nastavak provođenja stečajnog postupka ukoliko za isto imaju interes.

Rješenje je objavljeno u Službenim novinama F BiH broj: 6/22 dana 28.01.2022. godine, a na oglasnoj ploči dana 17.01.2022. godine.

Kako ni jedan od povjeritelja, u ostavljenom roku od 30 dana, nije obavijestio sud da je izvršio uplatu traženog iznosa, za dalje vođenje postupka, to sud u skladu sa članom 196. stav 1. Zakona o stečaju, zaključuje postupak jer stečajna masa nije dovoljna za pokriće troškova stečajnog postupka.

Imajući u vidu sve gore navedeno ovaj sud smatra da su ispunjeni uslovi za zaključenje stečajnog postupka zbog nedostatka stečajne mase u skladu sa članom 196. Zakona o stečaju.

Stečajni povjerioci mogu nakon zaključenja stečajnog postupka ostvarivati svoja potraživanja prema dužniku pojedincu u skladu sa propisima građanskog prava, a kako je to propisano odredbom člana 191. Zakona o stečaju.

Temeljem odredbe člana 191. stav 10. i član 204. stav 1. i 3. Zakona o stečajnom postupku rješenje o zaključenju stečajnog postupka objavljuje se u „Službenim novinama F BiH“, Oglasnoj ploči suda, web stranici suda-elektronskoj tabli suda te dostavlja FIA-i.

Odluka o brisanju pravnog lica iz javnih registara temelji se na odredbi člana 204. stav 5. Zakona o stečaju.

Temeljem odredbe člana 196. Zakona o stečajnom postupku sud je odlučio kao u izreci rješenja.

STEČAJNI SUDIJA

Ilvana Delić

POUKA O PRAVNOM LIJEKU!

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu Tuzla, putem ovog suda, u roku od 8 dana, od dana objave rješenja u „Službenim novinama F BiH“.